

لو معاك كتاب مقدس (وأتمنى إنه يكون معاك)، خليني أدعوك تفتح سفر نحemia في العهد القديم، اصحاح ١٢. أنا متحمس جداً بسبب السلسلة دي، اسمها "اليقظة" وهتكلم عن العبادة الجماعية. أنا عارف انه من ساعة تأسيس الكنيسة دي والعبادة من أكثر الحاجات اللي الكنيسة ركزت عليها وأصبح من أساساتها ودي حاجة رائعة. العبادة هي السبب اللي اتخلقنا عشانه، احنا اتخلقنا عشان نعبد الله. الكنيسة دي اتخلقت من أجل عبادة الله ومن أجل مجده.. عبادته دي أمر رائع. الحاجة اللي لازم ناخذ بالنا منها هي اننا دايماً بنميل انه يكون عندنا أفكار مشوهة عن العبادة. الثقافة اللي حوالينا والتقاليع اللي بتطلع بيخلونا ما نخدش بالنا من اللي بيعلمه لنا الكتاب عن العبادة. لكن في السلسلة دي ها نكون بنشوف تعاليم الكتاب المقدس عن العبادة عشان نتأكد اننا فعلاً بنعبد الله بجد وده هيكون أساس هويتنا كشعب الله. قبل ما نتعمق في دراسة نحemia ١٢، عايز في البداية أكون بأوضح شوية أساسات وأخليكم تستعدوا للسلسلة دي. وهنكون بنرجع للأساسات دي تاني بعد كده. عايز نكون بنفكر في الأساسات دي من ناحية توازن العبادة. نقدر نقول انه فيه كذا ناحية للصورة الكتابية للعبادة ولإلزام يكونوا فيه توازن عشان نقدر نحافظ على منظور صحي وكتابي للعبادة. ها نذكر الأساسات دي وبعدها نتعمق في دراسة نحemia ١٢.

* **الأساس الأولاني** عشان يكون عندنا عبادة متوازنة هي اننا نفتكر ان **العبادة شرف لينا لكنها كمان وصية**. النهارده واحنا بنبتدي كلامنا عن العبادة عايزين نفتكر انه بس بسبب نعمة ورحمة ربنا، احنا لينا الإمتياز اننا نُدعى متعبدين لاسمه. بس بسبب صليب يسوع المسيح احنا وصلنا للمرحلة دي في حياتنا ودي الطريقة الوحيدة اللي ممكن نكون بنتعبد بيها. ونتيجة لكده، العبادة بتكون شرف وإمتياز غير عادي. وفي نفس الوقت بنشوف في كل الكتاب المقدس وصايا وجمُل فيها صيغة الأمر لشعب الله انهم يعبدوا اسمه سواء في العهد القديم أو الجديد، دي حاجة الله أمرنا اننا نعملها، هي مش حاجة اختيارية أو على حسب مزاجنا لكنها وصية في الكتاب المقدس وده أمر مهم جداً. لما بأفكر في الأمر ده، دايماً بتظهر قدامي صورة ناس

اليقظة ١

كثير متجمعين عشان يتعبدوا مع بعض، ساعات العدد بيبقى فوق التلات أو أربع آلاف. عارف انه في التجمعات الكبيرة في الأعياد، ناس كثير مابتكوش عارفة المسيح كمخلص شخصي ليها ومش بيتبعوا المسيح، لكن أنا عارف كمان انه في الصورة دي في ناس كثير بتعرف وبتتبع المسيح ولما بأشوف ده بأفكر ان احنا ك ناس بتتبع المسيح وصلت لنا فكرة ان العبادة الجماعية دي أمر ممكن نتناقش فيه وان احنا لينا حق الاختيار في الموضوع ده في مسيحيتنا. في الحقيقة، ده الأمر اللي بيتوج مسيحيتنا بفرح اننا نجتمع مع شعب الله ونعبد اسمه. ونتيجة لكده، هو وصانا اننا نعمل كده. هو إمتياز لكنه برضه وصية واحنا محتاجين ناخذ الأمر والوصية دي بشكل جدي. العبادة هي إمتياز لكنها كمان وصية!

* تاني حاجة: العبادة موصوفة كتابياً، لكنها مرنة حسب الثقافة المحيطة بيها. الجزء الأول: "العبادة موصوفة كتابياً" ده يعني انه إذا وصانا الله اننا نعبد، بيبقى من المنطقي انه يقولنا إزاي نعمل كده في كلمته وهو ده أساس السلسلة دي. هنكون بنتعمق في كلام الله عشان نشوف هو بيقول إيه عن العبادة لأن اللي بيقوله مهم. بالظبط زي ما في العهد القديم كانوا بعباد كل البعد عن هدف العبادة اللي في كلمة الله. كان الله بيقولهم "يمكن تكونوا بتقوموا بفترات عبادة متكاملة من وجهة نظركم لكنها غير مقبولة وغير مرضية بالنسبة لي". عشان كده لازم ناخذ بالنا اننا نعبد بطريقة تتماشى مع كلمة الله. كلمة الله هي اللي بتحدد احنا بنعبد إزاي، مش نمط ثقافي أو اتجاه معاصر هما اللي بيحددوا احنا بنتعبد إزاي لإلهنا. الله بيهتم أكثر بأمانتنا تجاه كلمته أكثر ما هو مهتم بتفكيرنا في طرق جديدة وخلاقة للعبادة. عشان كده العبادة موصوفة كتابياً وكمان مرنة على حسب الثقافة المحيطة بيها. هأقولكم أقصد إيه بالكلام ده، أنا مقتنع انه لما نيجي للعهد الجديد بنلاقي ان صورة العبادة مش صريحة أوي أو مش محددة أوي. بنلاقي الكنيسة مجتمعة لكنهم مش بيسمو الفترات دي في الكتاب انها خدمة العبادة زي ما احنا بنسميها النهارده. عشان كده شكلها مختلف في أماكن كثير. أنا مقتنع انها بالشكل ده لسببين اتنين أساسيين.

١- السبب الأول: في العهد الجديد بنلاقي ان يسوع بيموت على الصليب وبيقوم من القبر. وصورة العبادة الموجودة في العهد القديم بتتغير بالكامل، مش بتترمي أو بتستبدل لكنها بتتغير والعبادة مختلفة تماماً في ضوء الصليب. عشان كده ده مش معناه اننا نستغنى عن العهد القديم لكن معناه اننا محتاجين نتأكد في أي

اليقظة ١

مرة نبص فيها على العهد القديم زي ما هنعمل النهارده، اننا نبص عليه في ضوء العهد الجديد بالذات في موضوع العبادة.

٢- السبب الثاني اللي بأصدق بسببه انه فيه مرونة في العهد الجديد بالنسبة للعبادة الجماعية هو عشان الكنيسة كانت بتتمو في أماكن جديدة وثقافات جديدة وشعوب جديدة. ونتيجة لكده، كان فيه مرونة كبيرة في شكل العبادة الجماعية. نشوف العهد الجديد أكثر مرونة بدل ما يكون كتاب مليون فرائض كل الثقافات لازم تتبعها، هو كتاب الإرساليات. وكل ما الانجيل ينتشر لثقافات جديدة، بنلاقي ان العبادة الجماعية شكلها بيبقى مختلف من مكان لمكان. العبادة موصوفة كتابياً لكن فيه أمور في أساسها مفياش نقاش وده اللي هنركز عليه في السلسلة دي. لكن العبادة برضة مرنة على حسب الثقافة المحيطة بيها.

انتوا مدركين انه اللي بيجي في بالنا لما بنفكر في العبادة النهارده هو الناحية الثقافية أكثر من الناحية الكتابية. لما بنفكر في العبادة، غالباً أول صورة بتيجي في بالنا هي القاعة والبنشات والشاشات والسماعات وهو ده منظر العبادة. انتوا مدركين ان كل الحاجات اللي قلتها دي مش ضرورية للعبادة حسب ما الكتاب بيقول. لو هما كانوا ضرورة، دي كانت هتبقى أخبار سيئة لآخواتنا وأخواتنا في الكنايس اللي تحت الأرض في الصين أو في أدغال السودان أو المضطهدين في السعودية. عشان كده احنا محتاجين نتأكد اننا بنركز على الحاجات الضرورية كتابياً وده مش معناه ان الحاجات الثانية دي غلط، لكن لو ركزنا على الحاجات دي لما نفكر في العبادة واتجاهلنا الحاجات اللي الله بيقول انها أهم في العبادة، ساعتها مش هنفهم اشتياقاته لعبادتنا عاملة إزاي. عشان كده العبادة موصوفة كتابياً، لكنها مرنة على حسب الثقافة المحيطة بيها.

* ثالثاً: العبادة هي الوقود المحرك لكنها برضه هي هدف إرساليتنا. عايزكم تشوفوا من بداية السلسلة إزاي العبادة مرتبطة ارتباط وثيق بكل حاجة عملناها السنة دي: في التلمذة في حياة المسيح والتلمذة في حياة بولس. العبادة مش موجودة هنا والتلمذة موجودة هناك.. لكنهم مترابطين. العبادة هي الوقود المحرك والسبب اللي عشانه بنتلمذ في كل الأمم. ليه بنطلع بره ونضحى بحياتنا وبالكنيسة دي عشان نتلمذ في كل الأمم؟ احنا بنعمل كده عشان احنا مشحونين بمجد الله. احنا مأسورين بعظمته وبهائه وده بيحركنا ويخلينا نروح

البقطة ١

ونتلمذ جميع الأمم، دي حاجة بتشحننا، لكنها برضه الهدف. هيجي يوم في المستقبل مش هنكون بنتلمذ فيه لكن هنكون بس بنعبد. الهدف من ورا تكريس نفسنا للتلمذة في جميع الأمم هو انتظارنا لليوم اللي هيسجد فيه ناس من كل مكان من كل شعب وأمة ولسان، اليوم اللي هيسجدوا فيه قدام العرش ويستمتعوا بعبادة الله للأبد، هو ده الهدف، هو ده اللي بنعيش عشانه. العبادة هي الوقود المحرك وهدف إرساليتنا.

* رابعاً: العبادة بتتضمن الموجودين جوه الكنيسة لكنها كمان بتأثر على اللي بره الكنيسة. هنشوف على مر الخمس حلقات الجايين إزاي العبادة حسب الكتاب بتتضمن الكنيسة في الأصل، المؤمنين، الناس اللي آمنتم بالله، بالمسيح. ومش بيقصد بالكلام ده غير المؤمنين، ف لو انت هنا وعمرك ما صدقت في الله من خلال المسيح ده يعني انك بره الموضوع. العبادة بتتضمن اللي جوه الكنيسة لكنها بتأثر على اللي بره الكنيسة. ده يعني ان الهدف الأساسي من اجتماعنا مع بعض في المكان ده هو اننا نشجع جسد المسيح. كورنثوس الأولى ١٤ بتوضح لنا الموضوع ده جداً وده يشجعنا اننا طول الأسبوع نكون بنخرج لمجتمعنا وبنعلن عن عظمة الله وساعتها نفهم إزاي العبادة بتتضمن الموجودين جوه الكنيسة لكنها كمان بتأثر على اللي براها. فيه سابقة كتابية موجودة في كورنثوس الأولى اصحاح ١٤، هنقرأ الفقرة دي وقت ثاني في السلسلة دي، وفيها بولس بيتكلم عن إزاي غيرالمؤمنين بيحضروا معنا فترات العبادة، ممكن كمان يكونوا ناس مش بيؤمنوا بالله أصلاً، وبيتفرجوا ويراقبونا واحنا بنعظم الله وبنعلي المسيح وده في حد ذاته بيخلي ناس تعرف وتؤمن بالمسيح. العبادة بتتضمن الموجودين جوه الكنيسة لكنها كمان بتأثر على اللي براها!

* آخر حاجة او خامسا: العبادة شخصية لكنها برضة جماعية. الوحي بيتكلم عن إزاي العبادة بتشمل كل حاجة بنعملها، أفكارنا، أفعالنا، كلامنا، كل يوم احنا بنعيش في عبادة شخصية مستمرة. وفي نفس الوقت، فيه تركيز على الكنيسة في العهد القديم والعهد الجديد، تركيز على شعب الله وهو بيجتمع مع بعض للعبادة وهو ده اللي هتناقشه في السلسلة دي. ده مش معناه اننا مش هنتكلم عن العبادة الشخصية عشان مش مهمة، لكن الهدف من السلسلة دي هو اننا نشوف ايه اللي بيحصل لما نجتمع مع بعض للعبادة. وهو ده السؤال اللي هيدفعنا اننا نتجه للمجتمع اللي حوالينا وهي دي الحاجة اللي مفيهاش نقاش وده ها يوضح لينا في نحيا اصحاح ١٢.

خلونا نبتدي بعدد ٢٧. عايزكم تفهموا خلفية النص قبل ما نبتدي نقرأه. ها نقرأ من عدد ٢٧ للاخر، عايزكم تفهموا الفكرة. خلفية النص أو السياق هو الآتي: شعب الله في اورشليم وهجم عليهم البابليين ما بين سنة ٥٩٧ لسنة ٥٨٦ قبل الميلاد. البابليين هدموا هيكل اورشليم وأسوار المدينة واخذوا ناس من شعب الله للسبي ودي كانت فترة مظلمة جدًا في تاريخهم. وبعدها بسنين رجعوا ثاني مع بعض وأول ما رجعوا مع بعض هناك في اورشليم، أول حاجة عملوها هي انهم ابتدوا بينوا الهيكل من ثاني وده محتوى سفر عزرا. بعد كده نرجع لسفر نحemia وهما بيبنوا السور المنهدم. أول سبع اصحاحات من السفر ده بنشوف فيهم صورة شعب الله وهما بيتبنوا من ثاني في وسط السور المنهدم. وذروة الأحداث موجودة هنا في نحemia اصحاح ١٢ وهما بيسبحوا ويعبدوا الله من أجل صنيعه بينهم. بصوا على نحemia ١٢:٢٧، تخيلوا الموقف معايا، الكتاب بيقول:

"٢٧ وَعِنْدَ تَدْشِينَ سُوْرٍ أُورُشَلِيمَ طَلَبُوا اللَّائِيِيْنَ مِنْ جَمِيعِ أَمَاكِنِهِمْ لِيَأْتُوا بِهِمْ إِلَى أُورُشَلِيمَ، لِكَيْ يُدْشِنُوا بِفِرْحٍ وَيَحْمَدُ وَغِنَاءٍ بِالصَّنُوجِ وَالرِّيَابِ وَالْعِيدَانِ. ٢٨ فَاجْتَمَعَ بَنُو الْمُغْنِّيْنَ مِنَ الدَّائِرَةِ حَوْلَ أُورُشَلِيمَ، وَمِنْ ضِيَاعِ النَّطُوقَاتِي، ٢٩ وَمِنْ بَيْتِ الْجَلْجَالِ، وَمِنْ حُقُولِ جَبَعٍ وَعَزْمُوتَ، لِأَنَّ الْمُغْنِّيْنَ بَنَوْا لِأَنْفُسِهِمْ ضِيَاعًا حَوْلَ أُورُشَلِيمَ. ٣٠ وَتَطَهَّرَ الْكَهَنَةُ وَاللَّائِيُونُ، وَطَهَّرُوا الشَّعْبَ وَالْأَبْوَابَ وَالسُّورَ. ٣١ وَأَصْعَدْتُ رُؤْسَاءَ يَهُودًا عَلَى السُّورِ. وَأَقَمْتُ فِرْقَتَيْنِ عَظِيمَتَيْنِ مِنَ الْحَمَادِينَ، وَوَكَبْتُ الْوَاحِدَةَ يَمِينًا عَلَى السُّورِ نَحْوَ بَابِ الدَّمَنِ. ٣٢ وَسَارَ وَرَاءَهُمْ هُوشَعْيَا وَنِصْفُ رُؤْسَاءِ يَهُودًا، ٣٣ وَعَزْرِيَا وَعَزْرَا وَمَشْلَمُ، ٣٤ وَيَهُودًا وَيَنْيَامِينُ وَشَمْعِيَا وَيَرْمِيَا، ٣٥ وَمِنْ بَنِي الْكَهَنَةِ بِالْأَبْوَاقِ زَكْرِيَّا بْنُ يُونَاثَانَ بْنِ شَمْعِيَا بْنِ مَتْتِيَا بْنِ مِيخَايَا بْنِ زَكُورَ بْنِ آسَافَ، ٣٦ وَأَخُوْتُهُ شَمْعِيَا وَعَزْرَيْلُ وَمِلَلايُ وَجَلَلايُ وَمَاعَايُ وَنَنْثَيْلُ وَيَهُودَا وَحَنَانِي بِآلَاتِ غِنَاءٍ دَاوُدَ رَجُلِ اللَّهِ، وَعَزْرَا الْكَاتِبُ أَمَامَهُمْ. ٣٧ وَعِنْدَ بَابِ الْعَيْنِ الَّذِي مُقَابِلَهُمْ صَعِدُوا عَلَى دَرَجِ مَدِينَةِ دَاوُدَ عِنْدَ مَصْعَدِ السُّورِ، فَوْقَ بَيْتِ دَاوُدَ، إِلَى بَابِ الْمَاءِ شَرْقًا.

٣٨ وَالْفِرْقَةُ الثَّانِيَةُ مِنَ الْحَمَادِينَ وَكَبْتُ مُقَابِلَهُمْ، وَأَنَا وَرَاءَهَا، وَنِصْفُ الشَّعْبِ عَلَى السُّورِ مِنْ عِنْدِ بُرْجِ التَّنَائِيرِ إِلَى السُّورِ الْعَرِيضِ. ٣٩ وَمِنْ فَوْقِ بَابِ أَفْرَايِمَ وَفَوْقِ الْبَابِ الْعَتِيقِ وَفَوْقَ بَابِ السَّمَكِ وَبُرْجِ حَنْثَيْلَ وَبُرْجِ الْمِئَةِ إِلَى بَابِ الضَّانِ، وَوَقَفُوا فِي بَابِ السَّجْنِ. ٤٠ فَوَقَفَ الْفِرْقَتَانِ مِنَ الْحَمَادِينَ فِي بَيْتِ اللَّهِ، وَأَنَا وَنِصْفُ الْوَلَاةِ مَعِي، ٤١ وَالْكَهَنَةُ: أَلْيَاقِيمُ وَمَعْسِيَا وَمِنْيَامِينُ وَمِيخَايَا وَالْيُوعِيْنَايُ وَزَكْرِيَّا وَحَنْثِيَا بِالْأَبْوَاقِ، ٤٢ وَمَعْسِيَا وَشَمْعِيَا

وَأَعَارَازُ وَعُزِّي وَيَهُوحَانَانُ وَمَلَكِيَّا وَعِيْلَامُ وَعَارَزُرُ، وَعَنَّى الْمُغْنُونُ وَيَزْرَحِيَا الْوَكِيلُ. ٤٣ وَدَبَّحُوا فِي ذَلِكَ الْيَوْمِ ذَبَائِحَ عَظِيمَةً وَفَرِحُوا، لِأَنَّ اللَّهَ أَفْرَحَهُمْ فَرَحًا عَظِيمًا. وَفَرِحَ الْأَوْلَادُ وَالنِّسَاءُ أَيْضًا، وَسَمِعَ فَرِحُ أُورُشَلِيمَ عَن بُعْدِ. ٤٤ وَتَوَكَّلَ فِي ذَلِكَ الْيَوْمِ أَنَسُ عَلَى الْمَخَادِعِ لِلْخَزَائِنِ وَالرَّفَائِعِ وَالْأَوَائِلِ وَالْأَعْشَارِ، لِيَجْمَعُوا فِيهَا مِنْ حُقُولِ الْمُدُنِ أَنْصِبَةَ الشَّرِيعَةِ لِلْكَهَنَةِ وَاللَّاوِيِّينَ، لِأَنَّ يَهُودًا فَرِحَ بِالْكَهَنَةِ وَاللَّاوِيِّينَ الْوَاقِفِينَ. ٤٥ حَارَسِينَ حِرَاسَةَ إِيهِمُ وَحِرَاسَةَ التَّطْهِيرِ. وَكَانَ الْمُغْنُونُ وَالْبَوَائِبُونَ حَسَبَ وَصِيَّةِ دَاوُدَ وَسُلَيْمَانَ ابْنِهِ. ٤٦ لِأَنَّهُ فِي أَيَّامِ دَاوُدَ وَآسَافَ مُنْذُ الْقَدِيمِ كَانَ رُؤُوسُ مُغْنِينَ وَعِنَاءُ تَسْبِيحٍ وَتَحْمِيدِ اللَّهِ. ٤٧ وَكَانَ كُلُّ إِسْرَائِيلَ فِي أَيَّامِ زَرْبَابَلِ وَأَيَّامِ نَحْمِيَا يُؤَدُّونَ أَنْصِبَةَ الْمُغْنِينَ وَالْبَوَائِبِينَ أَمْرَ كُلِّ يَوْمٍ فِي يَوْمِهِ، وَكَانُوا يُقَدِّسُونَ لِلَّاوِيِّينَ، وَكَانَ اللَّاوِيُّونَ يُقَدِّسُونَ لِنَبِيِّ هَارُونَ."

أنا أعتقد ان الفقرات دي عادة بتعدوها وأكد دلوقتي استمتعنا بانكم تسمعوني وأنا بأحاول أقرأ شوية من الأسامي دول. ف خليني ألخص لكم اللي احنا قريناه عشان إذا فاتكم حاجة منه. اللي بيحصل هنا هو تدشين السور اللي اتبنى حوالين اورشليم. نحما وولاية تانيين اتجمعوا مع فرقتين وكلهم في مكان واحد وبيطلعوا على السور وبيلفوا حوالين المدينة من على السور وهما يبسبحوا الله. وفي مرحلة ما، كانوا ماشيين في اتجاهات مختلفة وبعد كده نزلوا وراحوا وسط المدينة في مكان الهيكل وكملاوا فترة التسبيح والعبادة، هي دي الصورة اللي شوفناها. طيب، النص ده بيعلمنا إيه النهارده عن اجتماعنا مع بعض للعبادة الجماعية؟

❖ عايزكم تشوفوا الهدف من تجمعنا مع بعض.. أولاً: **الهدف هو عشان نحتفل بمجد الله**، ده هو اللي بيحصل لما الكنيسة بتجتمع مع بعضها للعبادة ودي من الحاجات اللي مفيهاش نقاش. احنا بنحتفل بمجد الله! وعشان فعلاً الصورة توضح قدامنا لازم نحط نفسنا مكانهم في سفر نحما في العهد القديم. لازم نفتكر انه في اليوم ده ان الهيكل ماكانش مجرد المكان اللي بتروحه عشان تعبد والأسبوع اللي بعده تروح كنيسة تانية وكنيسة تالته الأسبوع اللي بعده... لكن الهيكل كان المكان اللي بيسكن فيه مجد الله. هناك كان بيسكن وسط شعبه. ف لو انت عايز تعبد وتشوف مجد الله، فالمكان اللي لازم تروحه هو الهيكل. عشان كده كان الهيكل هو أول حاجة اتبنت تاني، هما بنوه من تاني عشان هو كان صورة مجد الله في العهد القديم. وقتها كانت الأسوار حوالين الهيكل حالتها سيئة، وكل الأمم الوثنية اللي بره اورشليم بيعبدوا آلهة مختلفة أو كذا إله. في حين شعب الله كانوا بيقلوا انه فيه إله

واحد بس وان الهيكل ده مخصص لعبادته - لكن كل الأمم الوثنية دول بصوا جوه المدينة دي وشافوا الهيكل، وشافوا الأسوار اللي حوالين الهيكل حالتها سيئة. تفكروا الأمم الوثنية فكروا إله الشعب ده عامل إزاي؟ فكروا ان ده إله ضعيف وان الله مش واخذ باله من شعبه. اللي حصل ان الأمم الوثنية اللي حوالين اورشليم كانوا بيسخروا منهم، فبقوا في عار كبير وزى ما نحما ١ بيقول انه مش بس كانوا بيسخروا من شعب الله لكن كمان من مجد الله. عشان كده الله أقام نحما عشان يقود عملية بناء الأسوار. خليني اقرأ لكم الآيات، خلينا نروح لنحما اصحاح ٤، بصوا على بداية الاصحاح. هنشوف السخرية اللي كان بيعاني منها الشعب. بيقول في نحما ٤ وعدد ١، العدد ده بيتكلم عن المعارضة اللي قابلوها وهي مستمرة في أول ثلاث اصحاحات. العدد الأول بيقول: "وَلَمَّا سَمِعَ سَنبَلُطُ أَنْتَا آخِذُونَ فِي بِنَاءِ السُّورِ غَضِبَ وَاغْتَاظَ كَثِيرًا، وَهَزَأَ بِالْيَهُودِ. ٢ وَتَكَلَّمَ أَمَامَ إِخْوَتِهِ وَجَيْشِ السَّامِرَةِ وَقَالَ: «مَاذَا يَعْمَلُ الْيَهُودُ الضُّعَفَاءُ؟ هَلْ يَبْنُونَ؟ هَلْ يَبْنُونَ؟ هَلْ يَكْمِلُونَ فِي يَوْمٍ؟ هَلْ يُحْيُونَ الْحِجَارَةَ مِنْ كَوْمِ التُّرَابِ وَهِيَ مُحْرِقَةٌ؟» ٣ وَكَانَ طُوبِيَّا الْعُمُونِيُّ بِجَانِبِهِ، فَقَالَ: «إِنَّ مَا يَبْنُونَ إِذَا صَعِدَ تَغَلَّبَ فَإِنَّهُ يَهْدِمُ حِجَارَةَ حَائِطِهِمْ».

الناس بتهزأ بيهم وطوبيا بيقول انهم ممكن يحاولوا بينوا الأسوار لكن لو بنوها وطلع تغلب عليها ها تتهد تاني. لكنهم كرسوا حياتهم وقلوبهم لإعادة بناء الأسوار ولما جه الوقت انهم يحتفلوا باللي الله عمله، عملوا إيه؟ مش بس دخلوا جوه المدينة لكنهم كمان اخدوا فريقين ووزعوهم على السور ومشوا فوق الأسوار. الكتاب المقدس بيذكر ثلاث مرات في نحما ١٢ ان صوت هتافهم كان مسموع من بعيد وان الأمم الوثنية حوالينهم كانوا شايفين شعب الله بيحتفل بمجد الله. كانوا بيعلموا العمل اللي الله وحده قدر يعمله في وسطهم. ليه احنا مش بنجتمع مع بعض عشان العبادة الجماعية؟ السبب الرئيسي اللي يخلينا نجتمع مع بعض عشان العبادة الجماعية هو عشان مجد الله دي حاجة تستحق اننا نحتفل بيها. مجده أمر عظيم ويستاهل كل احتفالتنا.. احنا بنحتفل بمجد الله وبنشوف ده بيحصل بكذا طريقة مختلفة في النص اللي قدامنا.

١- أولاً، العبادة الجماعية هي استمتاع علي بشخص الله. لما نبص على عدد ٢٧، بنشوف نحما بياكد على الفرحة والاستمتاع الموجودين في الصورة اللي قدامنا. حط دايرة حوالين كلمة "فرح" كل ما تلاقيها

اليقظة ١

مكتوبة. في عدد ٢٧ يقول "طَلَبُوا اللَّائِيَّيْنَ مِنْ جَمِيعِ أَمَاكِنِهِمْ لِيَأْتُوا بِهِمْ إِلَى أُورُشَلِيمَ، لِكَيْ يُدَشَّنُوا بِفَرَحٍ وَبِحَمْدٍ" مش بس عشان يدشنوا المكان ويحتفلوا لكن عشان يحتفلوا بفرح. وفي عدد ٣١ بيتكلم عن الفرقتين ويقول انه مش بس أقام فرقتين لكن "فِرْقَتَيْنِ عَظِيمَتَيْنِ مِنَ الْحَمَادِينَ" ويخرج من الموضوع الأساسي عشان يتكلم عن روعة الاحتفال والموضوع وصل لذروته في عدد ٤٣، بصوا العدد ده بيقول إيه، "٤٣ وَدَبَّحُوا فِي ذَلِكَ الْيَوْمِ ذَبَائِحَ عَظِيمَةً وَفَرِحُوا، لِأَنَّ اللَّهَ أَفْرَحَهُمْ فَرَحًا عَظِيمًا. وَفَرِحَ الْأَوْلَادُ وَالنِّسَاءُ أَيْضًا، وَسَمِعَ فَرَحُ أُورُشَلِيمَ عَنْ بُعْدٍ." كل جملة في الآية دي بتتكلم عن الفرحة اللي كانوا بيختبروه في الموقف وده استمتاع علني بشخص الله.

لكن للأسف الأمر ده بيغوت علينا في أوقات كثير.. أنا سمعت في فترات عبادة وتسيب كثير من الناس اللي بتقود الفترات دي بتقول وهي بتدعو الناس انها تعبد الله، بيقولوا للناس كلام زي: "الموضوع مش متعلق بيك.. النهارده مش انت الهدف" ويبصوا لنا بطريقة معينة كده وكأنهم بيقولوا ماتتوقش انك تستمتع النهارده. هو فعلا مش احنا الهدف من الموضوع بشكلٍ ما وهنبص على الجزئية دي الحلقة اللي جاية. لكن بشكل تاني احنا الهدف من العبادة الجماعية لأن ده احتفالنا بمجد الله، لان احنا بنستمتع بشخص الله. واول ما يفوتكم جمال وروعة العبادة حسب ما مكتوب في الكتاب. لأنه في العبادة الجماعية فرحنا ومجد الله بيلتقوا ويتقابلوا مع بعض. لما بنعبد الله مع بعض، بنختبر فرح معين ماينفعش نقارنه بأي حاجة تانية موجودة في العالم. فيه فرح عظيم وعبادة كتابية، لأننا بنحتفل بشخص الله بشكل علني.

٢- ثانيًا، احنا **بنشكر الله علانية** على اللي عمله في حياتنا. بنشوف ان الشكر بيتذكر كثير. ممكن تخطط تحت المواقف دي في عدد ٢٧ بعد ما قال انهم دشنوا بفرح، بيقول كمان "ب حمد" ودي أول مرة. وفي عدد ٣١ بيقول "وَأَقَمْتُ فِرْقَتَيْنِ عَظِيمَتَيْنِ" .. فرقتين مكونين من إيه؟ "فِرْقَتَيْنِ عَظِيمَتَيْنِ مِنَ الْحَمَادِينَ". وفي عدد ٤٠ بيقول تاني ان الفرقتين دول بيحمدوا ويؤكد تاني على الشكر. وفي اخر عدد ٤٦ بيقول، "فِي أَيَّامِ دَاوُدَ وَآسَافَ مُنْذُ الْقَدِيمِ كَانَ رُؤُوسُ مُغَنِّينَ وَغِنَاءٍ تَسْبِيحٍ وَتَحْمِيدٍ لِلَّهِ." ده شكر وحمد علني من أجل كل اللي عمله الله معاهم.

البقطة ١

لما تقروا الكلام اللي قدامنا ده في نحما ١٢، انا عارف ان كثير منكم بيحسوا انه الكلام يزهد لما يتكلم عن باب كذا وباب كذا. وتفكروا ايه لزمة المعلومات دي كلها وده سؤال وجيه جدا. عايز نفكر ياترى ايه السبب اللي يخلي نحما يخرج من اساس الموضوع عشان يتكلم عن الابراج اللي هما راحولها. وعشان نجابو السؤال ده تعالوا نرجع لـ نحما ٢. عايزكم تشوفوا الصورة الرائعة دي، نحما اصحاح ٢ وعدد ١٣. اول لما نحما راح لمدينة اورشليم، طلع في ليلة في الخفاء وكان بيستطلع الظروف لكن من غير ما يقول لحد على خطته وكان بيروح من باب للتاني.

"١ اَفَجِئْتُ إِلَى أُورُشَلِيمَ وَكُنْتُ هُنَاكَ ثَلَاثَةَ أَيَّامٍ. ٢ اِثْمُ فُؤْتُ لَيْلًا أَنَا وَرِجَالٌ قَلِيلُونَ مَعِيَ، وَلَمْ أُخْبِرْ أَحَدًا بِمَا جَعَلَهُ إِلَهِي فِي قَلْبِي لِأَعْمَلُهُ فِي أُورُشَلِيمَ. وَلَمْ يَكُنْ مَعِيَ بَهِيمَةٌ إِلَّا الْبَهِيمَةُ الَّتِي كُنْتُ رَاكِبَهَا. ٣ وَخَرَجْتُ مِنْ بَابِ الْوَادِي لَيْلًا أَمَامَ عَيْنِ التَّنَّيْنِ إِلَى بَابِ الدَّمَنِ، وَصِرْتُ أَنْفَرَسُ فِي أَسْوَارِ أُورُشَلِيمَ الْمُنْهَدِمَةِ وَأَبْوَابِهَا الَّتِي أَكْتَهَى النَّارُ. ٤ أَوْعَبَرْتُ إِلَى بَابِ الْعَيْنِ وَالْإِلَى بَرْكَةِ الْمَلِكِ، وَلَمْ يَكُنْ مَكَانٌ لِعُبُورِ الْبَهِيمَةِ الَّتِي تَحْتِي. ٥ أَفْصَعَدْتُ فِي الْوَادِي لَيْلًا وَكُنْتُ أَنْفَرَسُ فِي السُّورِ، ثُمَّ عُذْتُ فَدَخَلْتُ مِنْ بَابِ الْوَادِي رَاجِعًا."

تخيلوا المشهد معايا، اعتبر نفسك نحما والدنيا ليل وانت عمال تتفرج على الاسوار... تحس ان ده منظر كئيب جدا ان كل مكان تروحه تلاقي الاسوار منهدمة، مش لاقى غير حطام. وبعدها بعشر اصحاحات تلاقي نفسك بتحتفل ببناء الاسوار المنهدمة دي وتروح تبص على كل جزء منها، وتقعده تفكر وتقارن كان شكلها عامل ازاي قبل كده وشكلها بقى عامل ازاي دلوقتي فتشكر ربنا من اجل صنيعه. مش دي حاجة رائعة اننا نبص على اوقات في حياتنا كانت مليانة باليأس وخيبة الامل ونبص على أمور واجهناها في حياتنا ماكناش حتى عارفين ازاي ممكن نعدي بيها، لكن نبص على كل الحاجات دي ونشوف أمانة الله في كل الظروف اللي عدينا بيها. وأحلى حاجة هي اننا نكون قادرين نقدم شكرنا علانية لله من أجل اللي عمله معنا. يا رب ساعدنا اننا عُمرنا ما ننسى أد ايه نعمتك ورحمتك نقلت كل واحد فينا النهارده. كمان لما تبصوا على التجارب اللي بتواجهوها النهارده وتحسوا انكم غرقانين في وادي عميق، خليكم متأكدين انه هيجي اليوم اللي هترجعوا تبصوا فيه على النهارده وتكلموا عن اد ايه أمانة الله عبرت بيكم في وسط كل الصعاب وهنكونوا ساعتها واقفين بتلفوا وتحتفلوا بالاسوار اللي بناها الله من تاني في حياتكم. دي هتبقى صورة رائعة، شكر وحمد علني لله من أجل كل اللي عمله، عشان كده العبادة الجماعية هي احتفال بمجد الله.

❖ تاني حاجة وهي من الحاجات اللي مفيهاش نقاش في العبادة الجماعية... اول حاجة كانت اننا بنحتفل بمجد الله وتاني حاجة هي اننا بنشارك في الامر ده كشعب الله. لما تقروا النص اللي قدامنا ده ها تلاقوا انه فيه ناس بتشارك في الامر ده، بتشارك في التجمع الضخم ده... كل الناس متجمعة مع بعض.

- قبل ما نتعمق في الجزئية دي عايز ناخذ الصورة اللي شفناها في نحميا ١٢ ونقارنها بأشكال من العبادة الجماعية المعاصرة. هنلاحظ انه فيه مخاطر ومشاكل ممكن نقع فيها مش موجودة في نحميا ١٢. عايزكم تفكروا في مشكلتين أو خطرين ممكن نقع فيهم في عبادتنا النهارده.

١- الخطر الأول هو الاتجاه الفردي. هل كان في أفراد أو أشخاص مذكورين في نحميا ١٢؟ طبعًا في، واحنا مش قادرين ننطق نص أساميههم. فيه أفراد موجودين هناك واحنا بنشوف هما إزاي بيتجمعوا مع بعض ف بنشوف صورة المجتمع في نحميا ١٢. كلهم بيشاركوا مع بعض في احتفال واحد موحد. واحنا بنفتقد الأمر ده سواء في ثقافتنا اللي بتدعو للتفرد أو في كنايسنا. تفكروا كام مرة سمعنا واحد بيقود التسبيح أو قسيس بيقول حاجة زي: "في الدقايق اللي جايه وانتوا بترنموا الترنيمة الجايه أو واحنا بنصلي الصلاة الجايه تخيل أو اعتبر نفسك انت بس والله الموجودين مع بعض. اعزل نفسك وقضي وقت مع الله. اعتبر الشخص اللي جنبك مش موجود أصلًا. ده وقت عشان تركز فيه بس مع الله!" تفكر ده ممكن يخلي الشخص اللي جنبك يحس بإيه؟ المفروض يحس بإيه يعني لما يتقال لك انك تتجاهل حقيقة وجوده، وانك تتظاهر وكأنه مش موجود؟ ده وقت بينك وبين الله فقط، ده وقت صلاة شخصية. ده بيتسمى "الصلاة الفردية" ودي حاجة ليها وقتها، انك تقضي وقت مع الله انت وهو بس. لكن احنا محتاجين نفتكر ان اجتماعنا مش بس تجمع لأفراد عشان يتعبدوا، لكننا مجتمع مؤمنين، احنا وحدة واحدة. ماينفعلش اتظاهر ان الشخص اللي جنبني مش موجود. احنا موجودين مع بعض هنا لسبب وماينفعلش نتجاهل بعض، لازم نقدر بعض. ده أمر مهم جدًا، بالذات في مكان زي كنيستنا... الفكرة انه في كنيسة كبيرة زي كنيستنا، سهل جدًا انه اي حد يبجي ويتعبد ما بيننا من غير مايتعرف على أي حد تاني. ولو هو ده اللي بيحصل في عبادتنا يبقى كده احنا مش عارفين

اليقظة ١

ومش قادرين ننفذ المعنى الحقيقي من العبادة الجماعية زي ما الكتاب بيعلمنا. لأنه كده احنا بنتجاهل بعض عشان كده لازم ناخذ بالناس من الاتجاه التفردى!!!

٢- تاني خطر هنقابله هو **اتجاه المتفرج**. زي ما هو واضح في نحميا اصحاح ١٢ ان العبادة هي نشاط بنشارك فيه مش رياضة بنتفرج عليها. والكلام ده متوجه لينا النهارده... تصميم الكنيسة معمول انه يكون فيه تركيز على المنبر والناس اللي على المنبر، بالتالي بقينا بنعبد بالشكل ده. لكن مش هي دي الصورة الكتابية للعبادة اننا قاعدين نتفرج كأنه ماتش كورة. مش هو ده جوهر العبادة الكتابية.. احنا مش بنتجمع مع بعض عشان نتفرج على العبادة، احنا بنتجمع مع بعض عشان نشارك مع بعض في العبادة. عشان كده بنرم مع بعض وبندرس الكتاب مع بعض، بنقرأ الكلمة مع بعض وبنصلي مع بعض وبنشترك مع بعض كمان في التناول. احنا بنعمل الحاجات دي مع بعض عشان احنا جماعة مؤمنين، احنا مش متفرجين. المتفرجين الوحيديين الموجوديين في نحميا ١٢ هم الأمم الوثنية اللي حوالين اورشليم، دول بس اللي كانوا متفرجين. عدد ٤٣ بيقول انه النساء والأطفال، كل الناس اشتركت في الأمر ده مع بعض.

- عشان كده لازم نتجنب الأمرين دول. لكن إزاي نعمل كده في ظل ثقافة التفرد واتجاه المتفرج اللي باين حتى في تصميم كنايسنا؟ إزاي ممكن نتجنب الأمر ده؟ عشان نعمل كده لازم نفتكر العبادة الجماعية من **كذا اتجاه**.

١- أول حاجة، ان احنا **نشجع بعض** في العبادة الجماعية. هنا عايزنا نبتدي نشوف إزاي صورة العبادة الجماعية في العهد القديم ماشية مع العهد الجديد في اننا نشجع بعض. زي ما هو واضح في نحميا ١٢ ان ده احتفال بمجد الله واحنا شوفنا الأمر ده لما عرفنا ان الله هو الهدف. هنتكلم عن النقطة دي أكثر الحلقة اللي جاية. لكن.. هل تتخيل انك جزء من الأمر ده؟ هل تفكر ان ده هيكون بيقيوي ويشجع إيمانك انك تكون مشارك في الأمر ده؟ سؤال مش محتاج لإجابة طبعًا. كانوا ماشيين مع بعض، متشجعين ببعض وهما بيشاركوا في الاحتفال مع بعض. وهو ده بالضبط اللي بيركز عليه العهد الجديد في العبادة. خليني أوريكم مثل: خليكم معلمين كتبكم المقدسة على نحميا ١٢ وخلينا نروح لـ أفسس اصحاح ٥ وعدد ١٩: الكتاب

البقطة ١

بيكلما عن الامتلاء بالروح والروح القدس يعمل إيه في حياتنا. أعتقد إن دي من أوضح الوصايا بخصوص شكل العبادة الجماعية ومش مشروطة بعدد معين من الناس أو بمكان معين. اسمعوا بيقول إيه في أفسس ١٩:٥:

"مُكَلِّمِينَ بَعْضُكُمْ بَعْضًا بِمَزَامِيرَ وَنَسَائِيحَ وَأَغَانِي رُوحِيَّةٍ، مُتَرَنِّمِينَ وَمُرْتَلِينَ فِي قُلُوبِكُمْ لِلرَّبِّ. شَاكِرِينَ كُلَّ حِينٍ عَلَى كُلِّ شَيْءٍ فِي اسْمِ رَبِّنَا يَسُوعَ الْمَسِيحِ، لِلَّهِ وَالْآبِ".

سمعتوا بيقول إيه؟ "مُكَلِّمِينَ بَعْضُكُمْ بَعْضًا بِمَزَامِيرَ وَنَسَائِيحَ وَأَغَانِي رُوحِيَّةٍ". ماينفعش تعملوا كده وانتوا في عزلة، ماينفعش تعمل كده وانت لوحدك. انت ممكن ترنم وانت لوحدك، في الحقيقة أنا بأحس بأمان أكثر وأنا بأرنب لوحدتي، لكن كده مش بأطيع اللي بيتقال في أفسس ٥ عدد ١٨ و ١٩ وأنا لوحدتي. احنا بنكلم بعض وهو ده السبب اللي عشانه بنرنم لبعض في فترات العبادة. عشان كده بنرنم سواء كان بيقدونا فريق تسبيح أو شخص واحد عشان الترنيمة نفسه هو الهدف. احنا بنرنم لبعض عشان نشجع بعض. وحتى كثير من الترانيمة اللي بنقولها وفكروا حتى في الترانيمة التقليدية اللي بنقولها، كلها ترانيمة بنرنمها لبعض، مقارنة باللي بنرنمها لله. وهي دي الصورة الكتابية اللي قدامنا في أفسس ٥. في ترانيمة بنقولنا نعبد يسوع من أجل قوة اسمه، و مثلاً ترنيمة "توجه" دي ترنيمة بنرنمها لبعض عشان نتوج الله. وترانيمة تانية كثيرة مش موجهه لله لكنها ترانيمة بنشجع بيها بعض عشان نعبد الله بكل مجده وبهاءه ودي حاجة كتابية لازم نعملها. دي ضرورة كتابية اننا في مسيحياتنا اننا نرنم لبعض ونتكلم لبعض ونشجع بعض في عبادتنا.

هنبص على رسالة كورنثوس الأولى واصحاح ١٤ بعد شوية في السلسلة بتاعتنا... وينشوف في الاصحاح ده بولس وهو بياكد على أهمية اننا نتكلم عن صلاح الله ونرنم عن صلاح الله واننا نكون في روح الجماعة بنتفق على الأمر ده ونقول آمين مع بعض وهو ده اللي بيقوله عدد ١٦ في كورنثوس الأولى ١٤. انتوا عارفين انه أمر كتابي اننا نهتف في فترة العبادة ونقول "آمين"؟ ده أمر كتابي. فيه ناس بعد كده ها تجيلي وتقول لي "أنا كنت عايز أقول آمين لكني ماكانش ليا مزاج..". ساعتها هأقولكم يبقى انت كده مش بتطيع لو ماقولنش آمين لأن ده أمر كتابي. دي حاجة بترن جوايا. الوعد ده والحقيقة دي اننا لما نرنم أو نتكلم نقول آمين... أنا عايزكم تتحرروا النهارده. في باقي دراستنا للسلسلة دي وبعد ما نخلص، انتوا ليكوا الحرية انكم

اليقظة ١

تسيبوا نفسكم وتحرروا في فترة العبادة. لما نيجي نجتمع مع بعض عشان نتعيد ماتخافش أو تتكسف انك تقول آمين لما تكون محتاج تقولها. أنا أصدق اننا محتاجين نتعلم كثير في الجزئية دي من إخواننا وأخواتنا الأفرقة وعاداتهم في العبادة. احنا محتاجين نشارك كشعب الله مع بعض في العبادة.

٢- أول حاجة كانت اننا نشجع بعض وتاني حاجة انه في العبادة الجماعية احنا **بنعبر عن وحدتنا**. لما نرجع لنحميا ١٢ هنلاقي انه في تجديد وتغيير في الأمر. ناس مختلفة وفرق مختلفة، آلات مختلفة مستخدمة، كل حاجة مختلفة... كان فيه اختلاف لكن كلهم اتوحدوا. أهم كلمة هنا هي اننا بنعبر عن وحدتنا في العبادة الجماعية. هي دي الكلمة المفتاحية. أنا مصدق اننا مفتقدين الأمر ده بالذات في آخر عشرين سنة في كنائس كثيرة. وبدل ما نبص للعبادة على انها وسيلة نعبر بيها عن وحدتنا، نسينا انه الهدف الأساسي منها وانها صُمتت عشان يكون فيه وحدة بينا، خاصةً العبادة بالموسيقى. فبدل كده، ابتدينا نبص على التسبيح والموسيقى على انهم الحاجات اللي بتوحدنا. ولما بنعمل كده المشكلة اللي بتحصل هي انه كل واحد ليه طريقة وليه أسلوب ولما نتجمع بنلاقي ان الموسيقى مش بتوحدنا فبالتالي بنتفرق. والناس بتبتدى تشتكي من الطريقة دي أو الأسلوب ده أو من الترنيمه دي... لما تبصوا على العشرين سنة الأخيرة بتلاقوا انه كنائس كثيرة اتخانقوا ما بينهم وبعد كده انقسموا، اتفرقوا بسبب الموضوع ده... بسبب التسبيح اللي فيه الموسيقى. ودي حاجة خطيرة جدًا.

خلونا نرجع خطوة لورا وخلصنا أسألكم إيه اللي بيوحدنا؟ عمل المسيح على الصليب هو اللي بيوحدنا كلنا. وهي دي الصورة الموجودة هنا قدامنا في نحميا اصحاح ٨ حتى قبل ما المسيح ييجي. في نحميا ٨: ١ كانت الكلمة هي اللي بتوحدهم. وبعدها اصحاح ١٢ هو تعبير عن وحدتهم حواليين كلمة الله. اللي بيوحدنا هنا في المكان ده هو الخلاص اللي الله إداهولنا من خلال كلمته. فلو احنا بنحاول نخلي الموسيقى تعمل الدور اللي الانجيل والبشارة المفروض هما اللي يعملوه، يبقى ساعتها احنا مش فاهمين الغرض من العبادة الجماعية. احنا ممكن نقضي وقت مالهبوش نهاية واحنا بنتجادل عن الأساليب والطرق المختلفة لكن لازم ندرك انه لما نبتدي نتناقش في الأمور دي ف احنا بندمر الهدف الرئيسي اللي الله بيجمعنا بسببه للعبادة وهو اننا نعبر عن الوحدة اللي لينا بسبب موت المسيح. وده أمر خطير جدًا. أنا مش بأقول انه مفيش اختلافات

البقطة ١

في الأساليب وكل واحد بيفضّل إيه.. لكن بأقول اننا نخلي المسيح هو اللي يوحدنا ونخلي أي عبادة نقوم بيها تكون تعبير عن وحدتنا دي. أنا مقتنع اننا لو كنا شغوفين تجاه تأثير العالم بمجد المسيح بنفس درجة شغفنا بأنهي ترنيمة أو أسلوب موجود قدامنا على المنبر، ساعتها هنقدر نوصل لكل مجموعات الناس في عالمنا النهارده. خلينا نركز على اللي بيوحدنا وعلى كلمته وخلي عبادتنا تعبر عن وحدتنا. فاهمين أنا أقصد إيه؟

٣- احنا بنشجع بعض وبنعبر عن وحدتنا وتالت حاجة، والموضوع هنا بقى مشوق اكثر وهو انه تالت أمر اننا نكون سبب استمرارية الكنيسة على مر التاريخ. عايزكم تلاحظوا انه في ثلاث مرات مختلفة في النص اللي قدامنا فيه إشارة لداود والماضي. بصوا على عدد ٣٦ في نحما ١٢ بيتكلم عن أسامي بعض الأشخاص وبعد كده بيقول "بِآلَاتِ غِنَاءِ دَاوُدَ رَجُلِ اللَّهِ". وبعد كده في عدد ٤٥ بيقول، "حَارِسِينَ حِرَاسَةَ إِلَهِيهِمْ وَحِرَاسَةَ التَّطْهِيرِ. وَكَانَ الْمُغَنُّونَ وَالْبَوَائِبُونَ حَسَبَ وَصِيَّةِ دَاوُدَ وَسُلَيْمَانَ ابْنِهِ". وتالت مرة في عدد ٤٦ بيقول "لَأَنَّهُ فِي أَيَّامِ دَاوُدَ وَآسَافَ مُنْذُ الْقَدِيمِ كَانَ رُؤُوسُ مُغَنِّينَ وَغِنَاءُ تَسْبِيحٍ وَتَحْمِيدٍ لِلَّهِ". خدوا بالكم كويس انه في ثلاث مرات مختلفة في نحما اصحاح ١٢ بيبيروا لإزاي عبادتهم اتشكلت واثارت باللي عمله داود قبلهم بـ ٥٠٠ سنة.

أخبار الأيام الأولى اصحاح ٢٥ بتتكلم عن قبل الفترة دي بـ ٥٠٠ سنة، داود عمل كده وده بياثرعلى الطريقة اللي بيتعبدوا بيها دلوقتي. الناس دي أدركت انهم بيتبعوا التاريخ وماشيين في نفس خط الناس اللي بيعبدوا الله العلي. كان ساعتها فيه تقدير واحترام للطريقة اللي بيعبدوا بيها الله في الوقت ده. أنا عارف ان دلوقتي فيه فروق كبيرة بيننا النهارده زي الصورة الموجودة في نحما ١٢ بالذات في موضوع الهيكل والأمور المتعلقة بالعبادة في العهد القديم. لكن برغم كده، أنا أصدق انه الكلام متوجه لينا النهارده. احنا محتاجين نفكر اننا ماشيين في حُطى ناس كثير لمدة آلاف السنين كانوا بيعبدوا الله ويقدموا له الاكرام والمجد. لازم ناخذ بالننا انه مش بس يبقى عندنا الرغبة اننا نكون مختلفين فينتهى بينا الحال انه بغشاوة أو بعدم احترام نتخلص من كل عادات كل المتعبدين اللي سبقونا وكان اللي كانوا بيعملوه مش مهم. أنا مش بأقول اننا محتاجين نرجع لنفس شكل العبادة اللي كان موجود من ٥٠٠ سنة، لكن أنا بأقول اننا محتاجين نحترم ونكرّم الطريقة اللي أجداننا

اليقظة ١

كانوا بيتعبدوا بيها وبيكرموا بيها الله في القديم. لازم نحترم ونكرم ده! وخذوا بالكم لازم كمان نفنكر ان الطريقة اللي بنعبد بيها النهارده هتأثر على أجيال كثيرة جايه. انتوا مدركين ان الطريقة اللي بنتعبد بيها النهارده بتعلم الأجيال اللي جايه بعدنا عن معنى عبادة الله أصلاً.

يا رب، بنصلي انه لما ييجي اليوم اللي يرجعوا يبصوا فيه على التسبيح كان عامل إزاي النهارده في كنيستنا، بنصلي انهم يشوفوا احترام وخشوع لله ورهبة لكلام الله وفرح عميق وراسخ في شخص الله فيقدروا يقولوا احنا عايزين نعبد بالشكل ده. وهي دي الصورة هنا. فتدرك ان الموضوع مش موضوع إيه اللي بيحصل في كنيسة ما مرة في الأسبوع... لكن احنا جزء من خط طويل وناس سبقونا وناس هتيجي بعدنا.. الرب يساعدنا في الأمر ده، وهو ده السبب اللي عشانه ما ينفعش نقلل من شأن العبادة في الكنيسة لأن مش احنا الهدف من الموضوع لكنه متعلق بأجيال كثير هنتبعنا بعد كده. عشان كده احنا بنمثل استمرارية الكنيسة عبر التاريخ.

٤- اخر حاجة، هي اننا بنشترك مع بعض في الحرب الروحية. صورة مشيهم حوالين الأسوار هي صورة رائعة. لما تبص على العهد القديم، تلاقي انه في أماكن مختلفة الله يوصي شعبه يمشوا في أرض معينة عشان يمتلكوها. في تكوين اصحاح ١٣ ابراهيم كان بيمشى في أرض الموعد. الأرض دي ليك بالإيمان. في يشوع الاصحاح الأول، يشوع بيمشي في الأرض اللي ليه بالإيمان. وهنا في نحميا هم بيمشوا حوالين الأسوار ودي صورة بتعبر عن إزاي الله رد نفوسهم وخرجهم من السبي وان الله أعطاهم الأرض دي عشان يمجدوا اسمه وهما بيعلموا ده. دي صورة الحرب الروحية، صورة النصر على العدو، إن الأرض دي ملك شعب الله. ده مش موقف واحد عن الحرب الروحية في العبادة. خليني أوريكم قصة تانية في أخبار الأيام الثاني اصحاح ٢٠. أنا أظن ان كثير منّا أو يمكن أغلبنا عدوا على القصة ممكن حتى من غير ما ياخذوا بالهم منها. أخبار الأيام الثاني اصحاح ٢٠ بداية من عدد ١٨: النص بيتكلم عن واحد اسمه يهوشافاط وهو بيقتل شعب الله لعمون وموآب عشان يحاربوا العمونيين والموآبيين وجالهم كلمة من أنبياء الله انهم هينتصروا في المعركة، عايزكم تشوفوا هما هيعملوا إيه بعد ما جاتلهم الكلمة دي في عدد ١٨:

البقطة ١

١٨ «فَخَرَّ يَهُوشَافَاظُ لَوَجْهِهِ عَلَى الْأَرْضِ، وَكُلُّ يَهُودَا وَسُكَّانُ أُورُشَلِيمَ سَقَطُوا أَمَامَ الرَّبِّ سُجُودًا لِلرَّبِّ. ١٩ فَقَامَ اللَّاوِيُّونَ مِنْ بَنِي الْقَهَاتِيِّينَ وَمِنْ بَنِي الْقُورَحِيِّينَ لِيُسَبِّحُوا الرَّبَّ إِلَهَ إِسْرَائِيلَ بِصَوْتِ عَظِيمٍ جَدًّا. ٢٠ وَبَكَرُوا صَبَاحًا وَخَرَجُوا إِلَى بَرِّيَّةِ تَفُوعَ. وَعِنْدَ خُرُوجِهِمْ وَقَفَ يَهُوشَافَاظُ وَقَالَ: «اسْمَعُوا يَا يَهُودَا وَسُكَّانَ أُورُشَلِيمَ، آمِنُوا بِالرَّبِّ إِلَهِكُمْ فَتَأْمِنُوا. آمِنُوا بِأَنْبِيَاءِهِ فَتُفْلِحُوا». ٢١ وَلَمَّا اسْتَشَارَ الشَّعْبَ أَقَامَ مُعْنِنًا لِلرَّبِّ وَمُسَبِّحِينَ فِي زِينَةٍ مُقَدَّسَةٍ عِنْدَ خُرُوجِهِمْ أَمَامَ الْمُتَجَرِّدِينَ وَقَائِلِينَ: «أَحْمَدُوا الرَّبَّ لِأَنَّ إِلَى الْأَبَدِ رَحْمَتُهُ».

شافين إيه اللي بيحصل هنا؟ هما خارجين عشان يحاربوا ويهوشافاظ ب بيعت فرق للمقدمة... بيعت مين بقى في المقدمة دي؟ مش اللي بيقدوا المركبات ولا اللي بسيوف، لكن بيعت مين؟ بيعت المُسبحين! بيعت المُسبحين والمرنمين للخطوط الأمامية. يهوشافاظ ها ينتصر على بني عمون وبني موآب بالمرنمين. هي دي بالظبط الصورة الموجودة قدامنا. فخرجوا وسبحوا، والله أسقط أعدائهم. كانوا بيرنموا ويعلنوا بهاء الله ومجده وجلاله ونصرته. دي صورة مذهلة جدًا ان الواحد ينتصر بفريق ترنيم. لو انت بتخدم في فريق ترنيم، عايز أفكر ان انت بتقودنا في المهمة دي. انت بترنم بالنصرة اللي لينا واحنا بنتلمذ جميع الأمم وانت في خطوط المقدمة. واتمني ان دي حاجة تخليكووا تقوا عايزين تتضموا للمُسبحين.

ودي مش بس حاجة موجودة في العهد القديم، افكروا معايا أعمال الرسل اصحاح ١٦، بولس وسيلا مضروبين ومحبوسين في السجن وقاعدين في وسط الليل في سجن قذر والدنيا ضلمة وهما مقيدين بسلاسل والأسوأ من كل ده انهم مش عارفين إيه اللي هيحصل لهم ثاني يوم إذا كانوا هيتجلدوا ولا تتقطع رأسهم... وفي وسط اللحظات السودا دي في حياتهم في السجن تلاقهم بيعملوا إيه؟ بيرنموا ويسبحوا ودي حاجة غريبة جدًا. ما ينفعش ترنم وانت في وسط زنزانة.. إيه اللي يخليك ممكن ترنم في وسط ظروف زي دي؟ لو انت بتمر بأسوأ وقت في حياتك ولو أنا قلت لك انت محتاج انك ترنم وتسبح، أنا متأكد انك هتبصلي وتقول "انتوا الوعاظ بتحاولوا تبسطوا الدنيا أوي... يعني إيه أسبح؟ أسبح ليه أصلاً؟" أجابك أنت بتسبح بسبب الإله اللي بتسبح له وهي دي صورة النصره اللي من الله... إيه اللي حصل أول أما ابتدوا يرنموا؟ حصل زلزال

اليقظة ١

والسلاسل اتكسرت والسجّان وكل أهل بيته آمنوا بالمسيح واليوم اللي بعده خرجوا من السجن. إبليس بيتغاض لما الكنيسة بترنم وتعلن مجد الله. احنا بنشترك مع بعض في الحرب الروحية حتى واحنا بنرنم.

خليني أخص لكم كل اللي قولناه... احنا بنشجع بعض، احنا بنعبر عن وحدتنا. احنا بنمثل الاستمرارية وينشترك في الحرب الروحية. لو احنا جينا نتعبد وجوانا اتجاه المتفرج ساعتها ها نقضي على كل حاجة من الحاجات دي. فالنتيجة ها تكون اننا مش ها نشجع بعض وها نعزل نفسنا عن بعض، مش ها نعبر عن وحدتنا لكن بالعكس ها نتلذذ ونفرح بانفصالنا عن بعض وها نحس بأمان وكل واحد لوحده في دنيته. كمان مش ها نمثل استمرارية الكنيسة في التاريخ وها ننفصل عن الكنيسة ومش ها نشترك مع بعض في الحرب الروحية. أنا أو من ان جزء من أسباب كون الكنيسة مش بتأثر في ثقافتنا ومجتمعنا الضعاف النهارده هو اننا اتعودنا نعيش مسيحيتنا في الناس الآخرين بدل ما نشارك في إرسالية الله وعبادته زي ما الكتاب بيقولنا.

يا رب ساعدنا ندرك ان قوة الكنيسة ها تضعف لو مشاركتنا في تسيحك وتمجيدك ضعفت وان قوة الكنيسة ها تزيد لما نشارك مع بعض ونعلن مجدك وننادي باللي بنؤمن بيه في الحرب الروحية: إن الله هو اللي بينصرنا وانه مات على الصليب وقام من الموت وانه يقدر يخترق شعوب بمجده. كده احنا فعلاً بنشارك مع شعب الله.

❖ آخر نقطة من اهداف وجودنا مع بعض للعبادة، نحيا ١٢ بيورينا اننا **بنكرس نفسنا لخدمة الله** من خلال العبادة الجماعية. احنا بنشوف التكريس والتخصيص من بداية القصة دي. المعنى الحرفي لتدشين الأسوار هو انهم بيحطوها بين ايدين الله وكأنهم بيقولوا له يارب الأسوار دي ملكك. دلوقتي أنا عايز ننقل من العهد القديم للعهد الجديد ونفهم معناها إيه اننا بنكرس نفسنا لله في العبادة الجماعية.

١- أولاً، احنا **بنضحي بمواردنا** من أجل الخدمة. في اخر نحيا ١٢ وفي عدد ٤٤ بيتدي يتكلم عن الرفائع والأوائل والأعشار وبعد كده في عدد ٤٧ بيقول:

"^٧وَكَانَ كُلُّ إِسْرَائِيلَ فِي أَيَّامِ زَرْبَابَلِ وَأَيَّامِ نَحْمِيَا يُؤَدُّونَ أَنْصِبَةَ الْمُغْنِيِّينَ وَالْبَوَّابِينَ أَمْرَ كُلِّ يَوْمٍ فِي يَوْمِهِ، وَكَانُوا يُقَدِّسُونَ لِللَّوِيِّينَ، وَكَانَ اللَّاوِيُّونَ يُقَدِّسُونَ لِبَنِي هَارُونَ."

اليقظة ١

دي حاجة هما اتعهدوا انهم يعملوها من بداية العهد القديم انهم يكونوا بيعشروا مواردهم، انهم يدوا الكهنة واللاويين وخدام الرب في الهيكل وفعلا التزموا باللي اتفقوا عليه. والعهد ده جددوه في نحما ١٠ فكانوا بيتعبدوا، وتقديم مواردهم للخدمة كان جزء من العبادة. احنا معندناش وقت عشان نتعمق في فكرة العشور في الكتاب المقدس لكن يكفي إني أقول انه الصورة أوضح بالذات في العهد الجديد. في العهد القديم كنت بتطلع العشور عشان تدعم الخدمة وده كان أمر ووصية من الله. في العهد الجديد بنشوف ان شعب الله حتى أفقر الكنايس كانوا بيدعموا عمل الله عن طريق تدعيم خدامه وعمل الله في كنيسته. وكمان أكثر من كده، في كورنثوس الثانية اصحاح ٨ و ٩ بتلاقي انه مش بيوصي الناس انهم يدوا ١٠% لكن يدوا بسخاء وبكرم وبفرح وبتضحية، ليه؟ لأنك مأسور بمجد الله وعايز مجده يُعلن في الكنيسة فبالتالي من المنطقي انك تضحي بمواردك للكنيسة من أجل الخدمة وهي دي صورة الكنيسة. عشان كده التقدمة جزء مهم جدًا في عبادتنا الجماعية بناءً على المكتوب في كلمة الله. لو التقدمة من مواردك لخدمتك مش جزء مهم وحيوي من عبادتك في وسط الجماعة، أنا عايز أشجعك النهارده انه لازم الأمر ده يتغير مش عشان انت لازم تعمل كده، برغم انها وصية في العهد القديم، لكن روعة وجمال العهد الجديد هي النعمة.. احنا بنحس اننا مدفوعين ندي عشان عارفين ان الله ائتمنا على كثير، والنتيجة الطبيعية اننا نضحي وندي من مواردنا وممتلكاتنا للخدمة. يا رب، ساعدنا ندرك ان لو كل واحد بيسمعني النهارده استخدم موارد الله التي ائتمنتنا عليها ده هيساعد في تقدم مملكة الله.

٢- ثانيًا، احنا بنسلم حياتنا للإرسالية. هنا لازم نبص لنحما اصحاح ١٢ من خلال عدسة العهد الجديد. اللي قدامنا هنا هو تدشين الأسوار. لكن لو اخدنا الموضوع ده بعيد عن نحما ١٢ واستخدمنا النص عشان يقودنا اننا ندشن المباني يبقى كده مافهمناش الكتاب عايز يعلمنا إيه. في نظام العهد القديم، مجد الله كان بيسكن في الهيكل، في مدينة أورشليم المقدسة. لكن في العهد الجديد بتلاقي يسوع بيدعي انه هو نفسه الهيكل وبيدعي انه المكان اللي فيه ها تقابل مجد الله. كان بيقول "أنا هيكل الله" وبعد كده بيموت على الصليب ويقوم من القبر ويصعد للسماء ويرسل روحه القدس، دلوقتي بقي مين الهيكل؟ احنا الهيكل، الروح القدس ومجد الله بيسكن جوه كل واحد فينا. فلو سمعنا اللي بيتقال في نحما ١٢ وبنيننا مبنى ودشنناه وقولنا

اليقظة ١

لله استخدم المبنى ده لمجدك يبقى ما فهمناش حاجة؛ لأنه احنا المباني، احنا بحياتنا في المجتمع ده نعتبر الأماكن اللي فيها مجد الله. الأماكن اللي من خلالها الناس بتتقابل مع مجد الله وتتقابل مع صلاح الله ورحمته ونعمته وبهاءه. وهو ده السبب اللي بيخلينا نكرس نفسنا للإرسالية دي في العبادة الجماعية. لأنه طول الأسبوع الله بيبقى عايز يعلن عن مجده للناس من خلالك.. في مكان شغلك، في مجتمعك، وفي بيتك. والعبادة الجماعية بتدفعنا اننا نعمل كده. فماتفكرش في الأمر على إنه مبنى. لو كل اللي احنا عملناه هو اننا دشنا المباني، ها تبقى عندنا صورة مشوهة عن العبادة لأنه مش دي صورة العهد الجديد عن العبادة. أنا مش بأقول ان المباني وحشة، لكن أقصد أقول ان احنا ممثلين لمجد الله والناس حولينا في العالم يقدرنا يشوفونا، ولزام نكون بنعمل كده بمنتهى الأمانة. ... احنا بنكرس نفسنا لإرسالته.

الخلاصة هي ان الله نفسه يصحّي جسد المسيح وينهضنا في عبادتنا. ليه؟ علشان نعلن عن مجد المسيح للعالم مع بعض. وهي دي الصورة الموجودة في نحميا ١٢ وهو ده السبب اللي عشانه نقطة المجتمع مفيهاش مناقشة في العبادة الجماعية.

خلونا نتنقل من الصورة دي في العهد القديم لاجتماعنا، إزاي نبص على حياتنا واحنا متجمعين مع بعض كجماعة مؤمنين. أنا أعتقد ان أكثر رد فعل مناسب للكلمة المتوجهة لينا في الحلقة دي هو اننا نحتفل بنفس صورة العبادة الموجودة في العهد الجديد واللي الكتاب بيسمياها العشاء الرباني. فكروا معايا إيه التشابه بين العشاء الرباني وبين الصورة اللي شوفناها في نحميا ١٢... الحاجة المشتركة هي انهم بيحتفلوا بمجد الله، بجسد ودم يسوع المسيح المسفوك من أجلنا وهو ده الاحتفال. لأنه اللي بيحصل في العشاء الرباني هو اننا بتتذكر جسد ودم المسيح. مش بس كده لكننا بنتناوله كشعب الله. والكتاب المقدس بيقول لنا ان دي صورة العبادة. وبعد كده بنكرس نفسنا لخدمة الله وهو ده أساس الفكرة هنا اننا نحدد حياتنا بالمسيح ودي مش حاجة نستخف بيها.

يا رب، احنا بنسبحك من أجل الفرصة اللي لينا اننا نعبدك ومن أجل الشرف والامتياز اللي انت اديتهولنا كجماعة مؤمنين. في اسم يسوع بنصلي. آمين.